

Na osnovu člana 98. stav 5) Zakona o javnim nabavkama Bosne i Hercegovine („Službeni glasnik“ broj 39/14), a nakon provedenog postupka nabavke putem konkurentskog zahtjeva za dostavu ponuda, zaključuje se

UGOVOR O PRUŽANJU USLUGA ČIŠĆENJA

Između:

1. **Elektrotehničkog fakulteta u Sarajevu**, sa sjedištem na adresi Zmaja od Bosne bb Sarajevo, ID broj: 4200304450006, koga zastupa dekan prof.dr Samim (Malić) Konjicija, (u daljem tekstu: Ugovorni organ)

i

2. **“EMMS” d.o.o. Jelah- Tešanj**, sa sjedištem na adresi Putešić bb, koga zastupa direktor Samir Rahić (u daljem tekstu: Ponuđač).

Član 1.

Ovim Ugovorom ugovorne strane su se sporazumjele da će Ponuđač pružati usluge čišćenja dijela prostorija Ugovornog organa, prema definisanim uslovima u tenderskoj dokumentaciji.

Ukupna cijena ponude nakon održane e-aukcije iznosi 10.020,00 KM (desethiljadadvadeset) bez PDV-a do kraja kalendarske 2019. godine.

Ugovoreni iznos će se plaćati sukcesivno u mjesečnim iznosima od po 1.113,33 KM (slovima: hiljadujednastotinatrinaest i 33/100) bez PDV – a, kod odgovarajuće banke u Bosni i Hercegovini, u roku od 30 dana od dana dostave fakture.

Sastavni dio ovog Ugovora je Tenderska dokumentacija broj:12-1163/19 od 19.03.2019. godine i Ponuda Ponuđača broj: 12-1360/19 od 01.04.2019. godine.

Član 2.

Ugovorni organ naručuje predmetne usluge, a Ponuđač prihvata da vrši pružanje usluga čišćenja dijela prostorija Elektrotehničkog fakulteta u Sarajevu, u ugovorenom periodu, na osnovu provedenog postupka javne nabavke (Obavještenje sa portala javnih nabavki broj: 5714-7-2-19-3-7/19) putem konkurentskog zahtjeva i odluke Ugovornog organa o izboru najpovoljnijeg Ponuđača (broj: 12-1543/19 od 10.04.2019. godine).

Član 3.

Ponuđač se obavezuje da će u skladu sa odredbama ovog Ugovora redovno pružati usluge za Ugovorni organ, u skladu sa potrebama i narudžbama.

Mjesto isporuke predmetnih usluga ugovora je adresa Elektrotehničkog fakulteta u Sarajevu, Zmaja od Bosne bb.

Član 4.

Ponuđač se obavezuje na nepromjenljivost ponuđenih cijena tokom cijelog ugovornog perioda.

Član 5.

Ponuđač se obavezuje da će usluge izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene usluge.

Ugovorni organ je dužan da dostavi pismeno obavještenje o svakom navodnom propustu Ponuđača po ovom Ugovoru. Ugovorni organ će utvrditi razuman rok za ispravku propusta Ponuđača u smislu izvršene nabavke.

Član 6.

Ponuđaču usluga se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

Član 7.

U slučaju neispunjavanja ugovornih obaveza, Ugovor se može djelimično ili potpuno raskinuti i prije njegovog isteka, uz prethodno izmirenje obaveza utvrđenih po osnovu ovog Ugovora koje su do tada nastale.

Član 8.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, odlučuje stvarno nadležan sud prema sjedištu ugovornog organa.

Član 9.

Svaka od ugovornih strana može otkazati ovaj Ugovor, pismenim putem, uz otkazni rok od 15 (petnaest) dana iz razloga propisanih Zakonom o obligacionim odnosima.

Član 10.

Na sva ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 11.

Ovaj Ugovor se zaključuje na određeno vrijeme, do popunjavanja upražnjenog radnog mjesta "Spremačica" (više izvršilaca), a najkasnije do kraja kalendarske 2019. godine.
Ugovor stupa na snagu danom potpisivanja obje ugovorne strane.

Član 12.

Ovaj Ugovor je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka, za svoje potrebe.

Ponudac

Direktor Samir Rahić

EMMS

DOO

JELAH
TUŠANJ

Broj: 23/04-2019

Datum: 24.04.2019.

Ugovorni organ

dekan prof. dr Samim Konjicija

Broj: 02-1681/19

Datum: 19.04.2019